



Bošnjačko nacionalno vijeće

Bosniac National Council

Национални савет бошњачке националне мањине

Na osnovu člana 6. stav 5. tačka 4. i člana 10. stav 1. tačka 4. i člana 7. i 42. Statuta Bošnjačkog nacionalnog vijeća u Novom Pazaru broj: 54-12/2018 od 08.12.2018. godine, Izvršni odbor Vijeća, na svojoj sjednici održanoj 25. decembra 2018. godine, donosi

ODLUKU

o izradi i načinu upotrebe pečata i izgledu i upotrebi štamblja Bošnjačkog nacionalnog vijeća u Republici Srbiji

Član 1.

Ovom Odlukom utvrđuje se izgled i način upotrebe pečata i štamblja Bošnjačkog nacionalnog vijeća u Republici Srbiji i uređuje se način njihove upotrebe.

Član 2.

Bošnjačko nacionalno vijeće u Republici Srbiji ima pečat, dimenzija prečnika obodnog kruga 40 mm, na obodu je ispisan tekst na srpskom jeziku i ćirilčnim pismom: „Национални савет бошњачке националне мањине – Нови Пазар“, a u prvom narednom redu ispisan je tekst na bosanskom jeziku i latiničnim pismom: „Bošnjačko nacionalno vijeće u Republici Srbiji“, sa utisnutim nacionalnim grbom bošnjačke nacionalne manjine u sredini, ispod koga stoji: „Novi Pazar“.

Bošnjačko nacionalno vijeće u Republici Srbiji ima 3 (tri) pečata i svaki primjerak je obilježen arapskim brojem.

Član 3.

Bošnjačko nacionalno vijeće u Republici Srbiji ima 2 (dva) štamblja.

Štamblj pravouganog oblika, dimenzija 60mm x 30mm, sadrži pored podataka iz pečata i rubriku u kojoj se unosi broj akta i datuma zavođenja.

Štamblj pravouganog oblika, dimenzija 90mm x 45mm, sadrži pored podataka iz pečata i utisnute riječi „PISARNICA VIJEĆA“ rubriku u kojoj se unosi broj akta, datum prijema i potpis.

Član 4.

Pečat i štamblj Bošnjačkog nacionalnog vijeća mogu se upotrebljavati samo u obliku i sadržini koja je utvrđena Statutom Vijeća i ovom Odlukom.

Odobrenje za izradu pečata i štamblja daje Izvršni odbor Vijeća, a o izradi pečata i štamblja stara se Sekretar Vijeća.

Član 5.

Pečatom Bošnjačkog nacionalnog vijeća u Republici Srbiji, obilježenim arapskim brojem 1, ovjeravaju se akta, povelje, diplome, zahvalnice i sva druga pisana i svečana akta koja potpisuje predsjednik u vršenju funkcije predstavljanja i zastupanja Vijeća, kao i druga službena akta donijeta od strane Predsjedničkog savjeta.

Pečatom Bošnjačkog nacionalnog vijeća u Republici Srbiji, obilježenim arapskim brojem 2, ovjeravaju se akta i druga pisana dokumenta koja potpisuje predsjednik Izvršnog odbora u vršenju svoje funkcije, kao i druga službena akta donijeta od strane odbora, savjeta, sekretara i stručnih savjetnika u Vijeću.

Pečatom Bošnjačkog nacionalnog vijeća u Republici Srbiji, obilježenim arapskim brojem 3, ovjeravaju se akta i druga pisana dokumenta koja se tiču finansija Vijeća, nalozi, računi i ostalo.

Otisak pečata se stavlja sa lijeve strane, pored potpisa lica ovlašćenog za potpisivanje.

Član 6.

Štambilj se upotrebljava prilikom zavođenja i arhiviranja akata u Bošnjačkom nacionalnom vijeću u Republici Srbiji.

Štambilj sa utisnutim riječima „PISARNICA VIJEĆA“ se upotrebljava za sva akta, zahtjeve, prispelu poštu, račune i ostalo evidentirano preko Pisarnice Vijeća.

Član 7.

Pečat i štambilj se upotrebljavaju u službenim prostorijama Bošnjačkog nacionalnog vijeća.

Za čuvanje i upotrebu pečata odgovoran je sekretar Vijeća ili lice koje on ovlasti.

Zaposleni kome se povjeri pečat ili štambilj na čuvanje i upotrebu dužan je da ih čuva na način koji onemogućava neovlašćeno korišćenje pečata ili štambilja, zakonitost kod upotrebe pečata ili štambilja i da prijavi eventualni nestanak.

Zaposleni koji neovlašćeno koristi pečat ili štambilj i vrši zloupotrebu bit će krivično i disciplinski odgovoran.

Član 8.

Ovu Odluku objaviti na zvaničnoj internet stranici Bošnjačkog nacionalnog vijeća u Republici Srbiji.


Odluka stupa na snagu danom objavljivanja na zvaničnoj internet stranici Bošnjačkog nacionalnog vijeća u Republici Srbiji.

U Novom Pazaru, 25.12.2018. godine

Broj: 117B-09/2018

BOŠNJAČKO NACIONALNO VIJEĆE U REPUBLICI SRBIJI
IZVRŠNI ODBOR VIJEĆA

Predsjednik
Doc. dr. Hasim Mekić



Adresa: **Glavni ured Vijeća**, 28. novembra bb, 36300 Novi Pazar, Sandžak, Republika Srbija
tel. 381 20 315 608, fax. 381 20 314 107, e-mail: glavni.ured@bnv.org.rs; www.bnv.org.rs